


藏原會通

十四

73

6329

14



子孫永保
共十六卷
雲煙家
藏書記



諸衛 今按^左右近衛左右衛門左右兵衛六府

總稱諸衛

左右近衛府

元者近衛中衛也

去五味均平藏

補任聖武時中細言藤武智麻呂授刀長官

統日本紀聖武神龜五年置中衛府大將一人

從四位上少將一人 正五位上將監四人 從六位上將曹四人

從七位上府生六人番長六人中衛三百人 兼日末舍人

使部已下有數其職掌常在大內以備周衛

又曰廢帝天平宝字二年中衛府鎮國之衛且

此為先故改為鎮國衛官重位早故大將為正



三位官改曰大尉中將為從四位上官曰驍騎
將軍員外將少將為正五位下官曰次將
又曰稱德朝改授刀衛為近衛府又置外衛府
其官員大將已下至將曹各如中衛府云云
正五位上藤田麻呂為外衛大將從三位藤倉
下麻呂為近衛大將補任天平宝字參議從
三位吉備真吉備兼中衛大將
按此時近衛中衛外衛並置各有大將外衛大
將蓋統領左右衛門左右兵衛半
平城天皇御宇大同二年勅以近衛為左近衛以
中衛為右近衛唐朝殊重此職統領諸宿衛禁軍

故也本朝又為重任

補任大同二年詔改近衛大將為左近衛大將
改中衛大將為右近衛大將右大臣正三位藤
原麻呂兼左近衛大將中納言攻上田村麻呂
兼右近衛大將今按左右大將始于此
唐六典曰左右羽林軍大將軍將軍之職掌統
領北衛禁兵之法令云云
宿衛 漢書文帝紀皇帝即日夕入未央宮夜
拜宋昌為衛將軍領南北軍又高五王傳齊哀
王第章入宿衛於漢云云
內麻呂以來左大臣藤冬嗣右大臣清原夏野

右大臣源常皆兼大將 又文華秀彥曰左大將軍藤原朝臣開院納涼則冬嗣也又曰尋良將軍華山莊則大納言右大將良峯安世也蓋大將唐名羽林大將軍也 又按歷朝大臣兼大將例多縱雖大中納言兼之其儀准大臣所以乃重任也

大將 相當從三位

非譜第之華族者更不任之多是大納言中譜第上膺任之於執柄息者超次第所任也又多被任左也至大臣帶之為規模又中納言任之

按藤氏系圖房前內麻呂冬嗣良房基經以來

撰家正嫡無不兼大將如良相仲平師輔等雖不為撰開皆兼大將是亦華族之列也又按開院系圖三條實房西園寺公經兼季德大寺實定又久我顯房花山院家忠大炊御門經宗等皆兼大將任件諸家歷代數人兼補任曰齊衡大納言源信天安大納言安倍安仁元慶大納言源多兼大將皆大納言上首也 又曰貞觀中納言藤基經超上首中納言源融兼左大將此時父良房猶天慶中納言藤實賴超大納言平伊望兼右大將此時父太政大臣此餘為撰開之息者超上首兼大將歷朝比々然

如藤基經時平管道真源光藤忠平任大臣之
後兼大將如元其餘猶多見補任清華家大臣
亦兼帶有例 補任曰天安中綱言源定藤時
平兼右大將其餘猶多
於二八人者彌為眉目

補任曰治承內大臣平重盛中綱言宗盛兼左
右大將建久大綱言賴朝建保源實朝兼右大
將至右大臣兼之如元 按職原林凡人者武
家之輩也依非攝家清華也

參議時任之例後二條關白師通公也

補任義曆正三位藤師通任參議兼左大將

補任又曰天平參議藤房前豐成兼中衛大將

云云中衛即近衛也師通追此二人之例乎

非參議人任之例氏宗公也近代不可有此比量歟

氏宗公之宗字疑衍文也 補任曰仁明朝從

三位宮內卿橘氏公兼右大將依帝外舅也云

是非參議任大將例也 按貞觀中綱言藤氏

宗兼右大將云云按氏宗者不為非參議則宜

作氏公也疑是親房本記氏公後人誤漫加宗

字字 按大臣納言任大將可謂相應然中綱

言猶不為多况於參議非參議哉

又任之大將人其職掌大略同大臣

令按任大將人雖納言賜隨身兵杖帶弓箭准大臣也蓋大臣為文官之長大將為武官之長故曰其職掌大畧同大臣或說曰雖為大臣不兼大將則不帶兵杖不使隨身頗無規模故曰數大臣言唯備大臣之數耳寬永之季三條內大臣實條菊亭大納言經季乃兩傳奏共登日光山實條不兼大將故無隨身經季兼右大將故有隨身然則禁中朝會諸事可例准焉只守位次著座許也其外內外作法不混餘人者也

補任康和雅大納言源雅實為右大將三鶉大

納言也著源師忠源俊明下藤忠實以五鶉大納言兼左大將著藤家忠下又平宗盛以十鶉中納言兼右大將著九人上首下文治五年藤良經以六鶉大納言兼左大將著上首五人下雅實清華之嫡也忠實良經攝家也宗盛平家之嫡也然猶座位如此但行幸等時儀之時左右大將威儀非諸卿所及也

左右近衛府 當唐羽林 又云親衛

漢書百官表云羽林掌送從武帝大初元年置後更名羽林騎師古曰羽林亦宿衛之官言其如羽之疾如林之多也一說羽所以為王者羽

翼也云云唐書百官表曰親衛之府一曰親衛
大將 唐名羽林大將軍

六典曰左右羽林軍衛大將軍各一人正三品
將軍各二人從三品左右羽林軍大將軍將軍
之職掌統領北衛禁兵之法令云云

常云幕府下 又云幕下下

史記李牧傳曰牧者趙之北邊良將也市租皆
輸入幕府 漢書高祖紀云諸侯罷戲下師古
曰戲謂軍之旌旄也按幕下猶戲下也雍陶詩
青油幕下白雲邊青油幕謂將幕也
又云大樹惣以將軍之稱也

後漢書馮異傳曰諸將並坐論功異常獨屏樹
下軍中號曰大樹將軍

中將 擁中將 相當從四位下

令義解榜書曰左右近衛中將大同三年置之
從四位上

華族四位任之執柄息着下世二世源氏中納言
將兼之凡人兼之實朝公是也非常之極也

補任曰兼保四年從四位下藤家忠任左中將
保延藤經宗任左中將云云其餘猶多 又曰
天喜中納言藤師實兼左中將寬治擁中納言
藤忠實兼左中將 元永中納言源右仁兼右

中將輔仁親王後子三子也德治左中將源忠房
任中納言中將如元順德院曾孫源彥仁子也
建保權中納言源實朝兼左中將

清華之人參議時兼之，中絕家兼帶為無舍之儀也。二位三位中將非大臣子孫者不任之。

補任天喜參議源俊房兼右中將永保參議藤家忠兼右中將其餘猶多 顯統抄云其官二

二代不任中絕又凡也 清家抄曰中絕家不任大臣之家也 補任長兼正三位藤賴長

為右中將仁平從三位藤基實為左中將建仁從二位藤良輔為右中將 是類猶多皆執柄子孫也

至二位中將者執柄息外布例也

補任寬弘藤賴宗任右中將叙從二位

兼良曰二位中將始賴宗公云云今按賴宗以後執柄息為二位中將者多 補任永兼源俊

房任左中將叙從二位是不為執柄息為二位中將之例也其餘猶多

五位時任之執柄息外不可然云云英雄大臣息任之近代事也非大臣子孫任之隆房卿等是也

其外強雖非英雄重代拜任家有之

補任建久正五位下藤良輔建仁正五位下藤道家皆任左中將是例猶多 清家抄云英雄

大臣者花山三條等之類也 補任云文永正
五位下藤公衡任左中將是非執柄息也
補任治義正四位下藤隆房任右中將 今按
難波飛鳥井冷泉等家臣為英雄之胤然非清
萃之列共任中將稱羽林家所謂重代拜任是
也日野勸修寺等名家自辨官昇進不任中將
故号辨方 今按在原業平任中將是平城帝
之孫也可為一二世源氏例也平家公達為三
位中將可為大臣子孫之列也其後新田義貞
為四位中將足利義詮為宰相中將可為凡人
列親房嫌武家之權故稱凡人頗為過當之言

中將

唐名羽林中郎將

親衛中郎將

或云虎賁中郎將

六典云羽林中郎將之職掌領翊衛之屬以總
北軍宿衛之事隨代左右親衛置中郎將一人
云云 孟子盡心下武王之伐紂革車三百兩
虎賁三千人 書牧誓序曰虎賁一百人孔傳
勇士稱也漢平帝時置虎賁中郎將 後漢書百
官表云虎賁中郎將比二千石 今按六典無
虎賁中郎將統日本紀中將曰驍騎將軍六典
左右驍衛將軍各一人正三品將軍各二人從
三品

中將 推少將 相當正五位下

令義解傍書曰左右近衛少將大同二年置之

正五位下

五位殿上人中乃譜第公達者任之

補任曰保元從五位上藤實房任左少將藤兼

雅任右少將是例猶多

叙四位時去職但叙留者是殊恩也近代每久叙

留人

補任云寬治正五位下藤宗忠從四位下罷左

少將是叙四位時去職之例也寬喜正五位下

右少將藤公基叙從四位下少將如元是叙留之例也

又四位後拜任又常事也

公卿補任曰弘安從四位上藤實春 正安藤季

衛任左少將

三位少將者執柄息常被任之

補任寬弘從四位上左少將藤賴通叙從三位

少將如元此以後執柄息追賴通例者有之

又藏人頭時為少將是古例也

職事補任嵯峨朝左少將藤三字右少將攝常

主仁明朝右少將良岑宗貞為藏人頭此例亦多

又辨官兼之公達中有才名人事也近代殊執之

補任康保從四位下藤為光任左中辨右少將

如元文曆從四位下藤實雄任左中將左少將
如元是例猶可多
少納言兼任又希例也

補任文德朝少納言藤基經任左少將少納言
如元花山朝少納言藤道長兼左少將少納言

如元
少將 唐名羽林次將 親衛郎將歛

六典云左右郎將各一人正五品上 續日本
紀曰少將為正五位下官曰次將 親衛郎將
不見六典然亦無妨 拾芥以中少納言亞相
次將親衛郎將羽林郎將千牛備身云云

將監 相當從六位上

令義解旁書左右近衛將監令外置之從六位
上

六位諸大夫任之五位時叙留隨分執之

清家抄云先將監二任之其後叙爵スル時左
近將監如元卜云宣旨ヲ給予大夫將監卜云
規模也 今按北條持賴任左近將監六位也
北條時茂号左近大夫將監是任五位叙留也
辨人樂人等任之郎又叙留定事也

令按伶人多氏狛氏等任例有之
然而諸大夫者執之是各守故實故也六位侍任

之或執之或不執之凡者不打任事也於叙留者更無其例

顯統抄云其家先祖故實ノ子細十クテハ不叙

留不打任トハ侍ノ將監ニ任テ事不可然トモ心

十リ 清家抄云當時左近佐ト云ハ中将ノ事

左近尉トハ將監ノ事也

將曹 相當從七位下

舞人^{ニウト}樂人^{トヨリ}近衛舍人等任之

顯統抄云大将ノ馬飼也源氏河海抄聖德太

子甲斐ノ黑駒ニ乘シテ行テ空ヲカケリ給ケルニ

秦河勝一人馬ノ口ニ付テメクル是隨身盪觴也

東鑑云寶朝大将拜賀行列將曹菅野景盛將

監中原成能

將監 唐名親衛校尉

六典云左右衛中郎將掌領其府校尉云云

拾芥以衛將千牛當近衛故以千牛長史衛將

軍長史為將監唐名可備一說辛

將曹 唐名親衛銀事

六典云羽林銀事參軍事名一人正八位上

府生同前

大将判授之

補任日藤良房賜内舍人左右進衛府生為隨

身云云爾來基經忠平世々為恒例

シキヤウ
番長

近衛舍人、中撰、用之上皇執政若給兵仗、大臣及
左、右大將、必召仕之、太納言大將、不召仕府生、大
臣、大將以上、召加府生也

清家抄云隨身ノ上臈ヲ番長ト云 按攝家

賜番長者為希 東鑑寶朝拜賀時番長下毛

野敦秀云云

府生 唐名衛史

不見六典 按隨身共用武勇之士為其衛護
源賴光四勇士之内公時曾為藤道長之隨身

上皇 秦始皇謚莊襄王為太上皇

本邦持統傳位於文武稱太上天皇

執政 唐制三公不預政為宰相者稱執政宋

制宰相之下參知政事稱執政也本朝攝關三

公稱執政或号執柄

今按近衛司年中職掌見延喜式西宮記江次
第等

外衛カウ今按外衛對近衛言之分内外
左右衛門府カウ
元者衛士府カウ

續日本紀文武大寶三年正五位下路真人大
人為衛士督其每猶多

嵯峨天皇御宇弘仁二年十一月改云衛門府

補任曰弘仁二年十一月改左右衛士府為左

右衛門府參議正四位下藤緒嗣兼右衛門督

參議從四位上藤冬嗣兼左衛門督

督一人 相當從四位下

宮位今日正二位上衛門督左右衛士督註曰

改從四位下 職員令曰衛門府督一人掌諸

門禁衛出入禮儀以時巡檢及隼人門籍門勝

事 按職員令衛門府管隼人司 又按左右

衛門負執儀訓與負執同 職員令曰衛士督

一人掌禁衛宮掖謂掖者正門檢校隊仗以將

巡檢衛士名帳及差拜謂差配兵庫大備陳設

車駕出入前駈後殿事

左衛門督者為中納言參議之人兼任之

補任寬仁中納言藤實成轉右衛門督建久參

議藤高能轉左衛門督其餘猶多

近代無非參議任之例

補任弘仁從四位下良峯安世遷左衛門督其
後任參議

但源賴家朝臣任左衛門督別儀歟

補任正治從四位上源賴家任左衛門督同日
從三位

四府之中殊執之

四府者謂左右衛門兵衛其中
以左衛門督考規授也

右衛門督者雖非參議任之但近代無非參議
位任之例

補任弘仁正四位下紀有繼兼右衛門督

佐一人 相當從五位上

官位令曰從五位下衛門佐衛士佐

職員曰衛門府佐一人衛士府佐一人

五位殿上人中任之

權佐一人

名家譜第擇其人任之必蒙使宣旨又必可補藏
人故也

補任云久壽二年正五位下藤惟方兼右衛門

權佐使宣旨

尉

大 相當從六位下 少 相當正七位上

官位令曰從六位下衛門大尉左右衛士大尉

又云正七位上衛門少尉左右衛士少尉

職員令曰衛門府大尉二人少尉二人衛士府

大尉二人少尉二人

躡官也仍六位諸大夫并侍尤可擇其仁也近代不及是非沙汰可謂無念其中蒙使宣旨者至干今為異他之儀五位後叙留檢非違使之外未聞其例詳見檢非違使下

志 大少

見檢非違使篇

官位令曰正八位下衛門大志左右衛士大志

又云從八位上衛門少志左右衛士少志

職員令曰衛門大志二人少志二人衛士大志

二人少志二人

府生シラフ 衛下見也

左右衛門府 唐名金吾

漢書百官表曰中尉秦官武帝更名執金吾註應劭曰吾者禦也掌執金華以禦非常師古曰金吾鳥名也主辟不祥天子出行職主先導以禦非常故執此鳥之象因以名官 六典云左右金吾衛大將軍各一人正三品將軍各二人從三品云云

又云監門

六典云左右監門衛大將軍各一人正三品將軍各三人從三品云云

督 唐名金吾將軍 見前

佐 唐名 金吾次將

六典云金吾左右郎將各一人正五品上

尉 唐名金吾校尉

不見六典

志 唐名金吾錄事

六典云左右金吾錄事參軍事各一人正八品上

府生 唐名金吾衛史 或監門衛史

六典云左右金吾長史各一人從六品上監門長史各一人從六品上

左右兵衛府

督一人 相當從四位下

官位令曰左右兵衛督從五位上註云改從四位下 職員令曰左右兵衛府督一人掌檢校兵衛分配閣門以時巡檢車駕出入分衛前後及兵衛名帳門籍事

中納言參議散二三位非參議四位等皆任之

補任天曆中納言源庶明兼左兵衛督正曆中納言源伊陟兼右兵衛督長元參議藤公成兼左兵衛督弘長從三位藤為教叙正三位右兵衛督如元文永叙從二位為右兵衛督猶如元

又云建久從四位上藤高能任左兵衛督云云
從中綱言至四位補任兼 例多姑舉一人耳
佐一人 相當從五位上

官位令曰兵衛佐正六位下註曰改從五位上
職員令曰佐一人

權佐一人

五位殿上人中可然之輩任之但英雄強不望之
即任少將故歟

補任文永從五位上 高階重經任權佐 又按
平知盛新田義貞任督源賴朝十三歲任佐時
人稱之曰武衛又室叶家斯波氏代々任督佐

故以武衛為家號

尉 大 相當從六位下 少 相當正七位上

官位令曰左右兵衛大尉正七位下少尉從七位

上 職員令曰大尉一人少尉一人

六位諸大夫業侍任之侍者自當府尉多轉衛門
也諸大夫不必然也

補任建保正六位上藤範保任左兵衛尉

志 大 少

官位令曰左右兵衛大屬從八位上少屬從八

位下 職員令曰大志一人少志一人 今按

官位令曰屬職員令曰志蓋古兼用之字

非要官仍府官之外強不在之

清家抄云非要官トハヨノツ子ノ侍トト三至要三
トキ官也

府生 同前

今按官位職負令無府生衛門則有醫師門部
物部使部直下兵衛則有醫師番長兵衛使部
直下 同前者非要官已下同志也

又按續日本記文武時石兵衛卒直廣肆坂合
部宿禰為遺唐副使其餘卒字与帥通乃是与
督同義 今按兵衛府年中職掌見延喜式西
宮記江次第等

左右兵衛府 唐名武衛

六典云左右武衛大將軍各一人正三品將軍
各二人從三品

督 唐名武衛大將軍 見前

佐 唐名武衛次將

六典云左右即將各一人正五品上

尉 唐名武衛校尉

不見六典

志 唐名武衛錄事

六典云武衛錄事參軍正八品上

府生 唐名武衛長史

六典曰武衛長史各一人從八品上

左右馬寮

統日本紀稱德朝始置內厩寮頭一人為從五位上官助為正六位下官大允一人為正七位下官少允一人為從七位上官大屬一人為從八位上官少屬一人為從八位下官 今按官位職負令既有左右馬寮至稱德加內厩也然後世不聞有內厩

頭一人 相當從五位上

官位令曰左右馬寮頭從五位上 職負令曰左右馬寮頭一人掌閑馬調習養飼供御乘具

配給穀料及飼部戶口名籍事

四位五位中可然之輩任之

補任文治從五位下藤高能任左馬頭至四位猶帶之 今按清和源氏滿仲賴光賴義義家共為左馬權頭至義朝任頭義仲亦任頭其後足利基氏義詮共任左馬頭室町武將代々為例以任之又桓武平氏重盛宗盛共任左馬頭又細川賴之始号右馬頭其子孫一流世々任右馬頭以典厩為家号

左右馬寮御監者統領兩寮但不掌任之源實朝為大納言兼左大將時為左馬寮御監其後

源義滿大納言右大将時為右字落款馬寮御匠以此例而御當家四代令兼之給

知寮務時尤為重職

權頭一人

五位殿上人諸大夫共任之於諸大夫者尤為清撰之職

補任建長正五位下藤永天康任左馬權頭

助一人 權助一人 相當正六位下

官位今日左右馬助正六位下 職員今日助

一人

五位諸大夫任之

補任萬壽從五位下源經長任左馬助

其撰超ナリ干他諸司助也五位侍任之太ナリ備ナリ眉目者也

顯統抄云當助八諸寮四分ノ助ノ中貴ナリ也

故雖五位任此六位助也

允 大 少

官位今日左右馬大允正七位下少允從七位

下 職員今日大元一人少允一人

近代六位侍任之滝ナリ口給官時任允是例也

清家抄云滝口ノ侍モ必其官何ニテモ有合

官ヲ給時馬ノ允常ノ事ナリ

屬 大 少

官位令曰右右馬大屬從八位上少屬從八位下
職員令曰大屬一人少屬一人又少屬次
右馬醫二人馬部六十人使部二十人直下二
人飼下

左右馬寮

頭 唐名典廐令

六典曰典廐署令二人從七品下

助 唐名典廐少令

六典云典牧署令三人正八品上

允 唐名典廐丞

六典云丞四人正九品上

屬 唐名典廐主事

六典云監事八人從九品下

今按主事不見六典

兵庫寮レウ

頭一人 無權官 相當從五位上

官位令曰左右兵庫頭從五位上注云昌泰元

年惣考寮 職負令曰左右兵庫寮頭一人掌

兵庫儀仗兵器安置待處出納曝涼及受事覆

奏事 統日本紀曰聖武朝外從五位下大伴

直南淵麻呂為左兵庫頭其餘猶多

五位諸大夫任之

補任久壽二年從五位下源賴政任兵庫頭云

助 權 相當正六位下

官位令曰左右兵庫助正六位下 職員令曰

助一人

六位諸大夫任之

令按源平武士任之例多室町家時伊勢氏也

為兵庫助而稱武庫

允 大 少

官位令曰左右兵庫大允正七位下左右兵庫

少允從七位上 職負令曰大允一人少允一人

六位侍任之

屬 大 少

官位令曰左右兵庫大屬從八位上左右兵庫

少屬從八位下職負令曰大屬一人少屬一人

職員令曰內兵庫司正一人掌准兵庫頭官位
令注曰內兵庫改併為寮 令按兵庫寮年中
職掌見延喜式西宮記江次笏等

兵庫寮 唐名武庫署

頭 唐名武庫令

六典曰武庫令西京各一人從六品下

助 唐名武庫少令

不見六典

允 唐名武庫主事

六典無之

六典曰監事一人正九品上

外武官 清家抄云外武官對內官言之

將帥之職古今重之所以分闡外之權也漢書云

馮唐曰王者遣將跪而推轂曰闡以內寡人制之

闡以外將軍制之軍功爵官皆決於外云云大將

謂之元帥出方傳其居處謂之幕府漢書注將軍職在

征行無常處所左為治故言幕府云云

韻會禮記註方氏曰才足以將物而勝之謂之

將智足以帥之而先之謂之帥 馮唐傳上以

胡寇為意迺卒問唐々對曰臣聞上古王者遣

將々々闡作闡註曰門中擬為闡 左傳僖公

二十七年曰作三軍謀元帥

幕府 見史記李牧傳及漢書李廣傳註

旄下戲下 見漢書高祖紀註

又稱將帥云麾下又云戲下漢書師古曰戲諸軍之旌麾也云云又將帥有賜節鉞之制節度者所以示其信也斧鉞者所以專刑戮

史記殷本紀西伯獻洛西之地紂賜弓矢斧鉞使得征伐為西伯 禮記正制諸侯賜弓矢然後

後征賜斧鉞然後殺 後漢劉虞為幽州牧詔

使授虞節度

本朝將師之任起於神代也其初天照大神欲降天孫於豐葦原中國之時遣經津主神又云齋主神香

取神健雷神是也 唐嶋神 今平諸不順者云云

詳見神代卷

大物主神帥八十萬神昇天天神勅曰宜領八十萬神永為白皇孫奉護乃使還降之云云

神代記一書曰大物主神及事代主神乃合八
十萬神於天高市帥以昇天陳其誠疑之至云
又曰以吾女三穗津姬配汝為宜領八十萬

一書曰事代主神八萬四千鬼類大神將也云云
元々集引神皇實錄裏書事代主神大已貴兒
八萬四千鬼類大將軍坐也

又曰大伴連遠祖天忍日命帥來目部遠祖天穗
津大來目部負天磐鞞臂着稜威高翔手提天
引天羽羽矢及副持八目鳴鏑又帶頭槌劍而立
天孫之前云云

詳載神代紀 清家抄云大伴八姓也大ノ字ヲ
ヨムハアラズ淳和帝ノ御諱大伴也是ヲ避ニヨラ
二字トモトハカリ 讀也来目モ姓也忍日命ハ
系圖不見一說伊弉諾ノ下ニツル也又太玉ノ下ニ
ツル也天穗津ト云モ 不分明也 纂疏曰鞞
盛箭之器又曰鞞射者云衣言臂鞞也倭俗曰
弓小手者也又曰梔子木实可深黄 和訓曰波

志 釋日本紀曰採天香山之梔木造弓故謂
之天鹿兒弓又曰謂羽々矢者以鳥羽波久矢
也加重點者言其羽之矢衆多也此弓箭天之
秘宝而可以隨身今人軍功對敵時三呼其名
而射之無不一當百矣 纂疏曰八目者鏑有
八竅漢書曰昌頓作鳴鏑是類也 又曰頭槌
者劍首如槌也今隼人所帶之劍有此形也
神代之制粗可見矣至于干人代 神武天皇東征
之日物部氏祖道臣命為軍帥 古稱武士云物
部起於此云云 崇神天皇命四道將軍遣四方 云
將軍之号正 起於此欵

神武紀曰大伴氏遠祖日臣命云云今按日臣乃道臣也見神武紀 舊事紀曰宇摩志麻治命率內物部云云宇摩志麻治命者為物部氏祖道臣命者為大伴氏祖則疑職原之誤也 四道將軍 日本紀崇神十年九月以大彥命遣北陸云云共授印綬為將軍 詳載大故官參議之條 其後景行天皇四十年以白王子日本武尊為大將軍以武日命武彥命為左右將軍東征蝦夷云云 日本紀景行紀蝦夷報天皇持斧鉞以授日本武尊云云命吉備武彥與大伴武日連令從日本武尊云云



爾來征行之日命將軍不可勝計 按日本武尊征蝦夷之後據日本紀則至神功平三韓之間無遣將之事職原此段宜有聖武之前

我國平定新羅高麗百濟之後尤納懇款

詳見神功紀

依之彼國置日本府遣鎮守將軍治之云云然乃建將軍府之初在此乎 年紀猶可易入 姓氏錄曰神功征伐新羅凱旋之日使留大矢田宿禰為鎮守將軍 日本紀雄略八年曰請教於日本府行軍元帥等云云

聖武天皇御宇陸奥國置鎮守府初任將軍遣之
若是本朝置軍府之初歟

統日本紀聖武神龜元年陸奥鎮守軍卒等願
除已本籍云云天平元年陸奥鎮守將軍從四
位下大野朝臣東人等言云云又曰陸奥按察
使兼守鎮守府將軍大野朝臣東人云云
征夷征東等臨時置之不聞有其府也

鎮守府

說文鎮博壓也亦安之也周礼有四鎮以山名
以山之重大者為一州之鎮云

將軍一人 粗見前考國史而可知也

相當從五位上

統日本紀和銅二年以左大辨正四位下巨勢
朝臣麻呂為陸奥鎮東將軍其餘猶多
今按置鎮守府文武後也故為令外職也統日
本紀為從五位上者兼鎮守府將軍者多
清和源氏源經基王為鎮守府將軍滿仲滿政
賴信賴義義家相繼為鎮守府將軍 平氏系
圖固香良將良録兄弟三人共任之其餘猶多
東鑑三云粗考先規於鎮守府宣下者坂上中
興以後至藤原範季安元及七十度
古來尤為重寄非武畧之器者不當其仁仍代々

稱將軍者鎮守府將也中古以來為陸奧守者多兼鎮府不可必然事欽守者宜擇吏幹之才將者須用藩鎮之器故也

今按統日本紀所載有為陸奧守者兼鎮守府將軍例則不必中古以來之事源平任鎮守府者賴義義家貞盛維茂皆兼陸奧守乃是中古之例也

韻會云幹能事也易幹父之盍說文藩屏也唐書有藩鎮傳今按本朝藩與唐藩鎮雖不同然所以為邊要者相似乎又昔並置府國依恐干地廣而在邊要也以信夫

郡以南租稅充國府之公廩以荊田以北稻穀充鎮府之兵糧云云見格

今按有弘仁格有貞觀格有延喜格今全部不傳僅存類聚三代格而已職原所引不見三代格或曰弘仁格之文也

又邊要之中以陸奧為最仍此國昔置五千人兵也是皆可屬鎮府乎

陸奧國所々柵置兵見統日本紀三代實錄然不必限五千人唯舉其大數耳

建武三年勅三位已上為當府將軍者可加大字者云云是依國司請奏被下宣旨也將軍相當五

位也三位已上，位高職下，依之申加大字而已。

補任元弘二年左中將源顯家叙從三位兼陸

奧守建武元從二位勳功賞其身，在任國同二

年為鎮守府將軍，顯家之事詳太平記顯家

者親房之嫡子也，加大字之義，親房所親見也。

副將軍二人 中古以來不任之

統日本紀曰養老四年左京亮從五位下下毛

野朝臣右代為副將軍，其餘猶多。按平將門

叛亂時藤原忠舒源經基為征夷副將軍，是任

二人之例也。又按太平記足利直義稱日本

副將軍，然不見補任，則時人所推而稱之字。

軍監 相當正七位下

軍曹 相當從八位上

統日本紀養老四年軍監三人軍曹二人云云

堪武勇之士可補此職，於近代於軍曹者公卿給

之時，間申之，無其謂事也。

備仗二人

韻會說文備從也，備從使屬唐封常信傳奏備

從三十人，韻會又曰仗兵器五及總名兵人所

執曰仗，又唐制殿下兵衛曰仗。

擇重代武士補之，將軍判授之官也。凡備仗者陸

奧守同，給二人，按察使給四人云云。

東鑑有宮六備仗國平平六備仗時定

鎮守府 唐名鎮東將軍

魏志曰藏霸字置高文帝即位遷鎮東將軍

軍監 唐名兵曹參軍事

唐百官志兵曹參軍事一人從九品下

軍曹 唐名上鎮錄事

唐百官志上鎮錄事一人

征夷使

韻會征伐也書胤往往之正其罪也孟子征者

上伐下也敵國不相征也云云夷者四夷也

使 如經畧使宣撫使按察使等之使

大將軍一人

征夷者始於日本武尊每有兵事遣將帥也粗見

旧記未置鎮守已往東征人或為按察使或為鎮

守將軍文屋綿丸以來有征夷將軍之号云云

日本武尊征東夷平蝦夷云云見日本記雖不

有征夷將軍号後世推為征夷將軍之始日本

紀畧弘仁四年從三位文室朝臣綿麻呂為征

夷將軍 按田村丸在桓武朝乃征夷將軍而
綿丸在嵯峨朝為征夷將軍職原記綿丸於田
村上不審

愚按於鎮府者已有鎮將依之重遣將帥之日臨
時加征夷号欵

統日本紀元正時多治比真人縣守為持節征
夷將軍聖武朝藤宇合為持節大將軍天平藤
原麻呂宝龜藤純繩共為陸奥征夷使桓武朝
大伴家持紀古佑美為征夷大使

坂上田村丸者稱征東將軍

日本紀畧延曆十二年改征東使為征夷使云

同十六年坂上大宿禰田村麻呂為征夷大將
軍 今按征東征夷雖通用改征東則田村丸
在任將軍之前然此段征東者親房偶誤之字
平將門叛乱時參議右衛門督藤原忠文朝臣任
征東大將軍其弟仲舒源經基為副將軍尙

日本紀畧天慶二年平將門并武藏權守興世
王等謀叛虜掠東國同三年武藏介源經基叙
從五位下依申東國凶賊平將門謀反之由也
次參議修理大夫藤原朝臣忠文任右衛門督
為征東大將軍云云其弟忠舒云云仲宣改忠
源經基為副將軍

其後征夷号久以中絶

平家物語七壽永二年山門連署云從二位行
中納言征夷大將軍兼左兵衛督平朝臣知盛
太平記十九將軍補任例亦載新中納言知盛
然按公卿補任無任征夷將軍蓋以勅勘故補
任除之乎

源義仲朝臣京上暫執兵權之日任征夷將軍云
東鑑三壽永三年正月十日伊豫守義仲兼征
夷大將軍云云

其後又推大納言右近大將源賴朝卿辭兩職歸
東國之後有勅被任征夷大將軍

補任曰建久元年十一月源賴朝入洛參内任
推大納言兼右大將十二月辭兩職下向關東
同三年補征夷大將軍詳見東鑑
爾來連綿賴家朝臣自少將之時兼之

按補任及東鑑建久八年源賴家任右少將正
治元年任左近衛中將建仁二年叙從二位任
征夷大將軍今按職原抄曰賴家自少將之
時兼征夷將軍者與補任不合

又實朝公自兵衛佐之時至大臣兼之

補任曰建仁三年源實朝叙從五位下任征夷
大將軍云云詳見東鑑

彼流斷絕之後藤原賴經卿下向元服已後即任之

賴朝之一流至實朝斷絕事詳東鑑賴朝姊

嫁中納言藤能保能保女嫁關白藤良經良經

生關白道家賴經乃道家末子也美久元年賴

經下向鎌倉時二嘉祿元年元服同二年任右

近衛少將補征夷大將軍

其子賴嗣卿又任之

寬元二年藤賴嗣元服時六補征夷大將軍

中務卿宗尊親王下向以後四代親王任之

東鑑曰建長四年三月宗尊親王下向關東同年四

月任征夷將軍宗尊者後嵯峨第一皇子也

文永康惟嘜親王任征夷大將軍宗尊之子也宗尊

入洛後北條時宗立之久明親王者後深草

院第二皇子也惟康入洛後貞時迎之以為主

將正應二年任征夷大將軍守邦親王者久

明子也母惟康娘也延慶元年任征夷大將軍

及高時亡而廢職按自賴朝至守邦号鎌倉

九代將軍詳東鑑及增鑑
保曆間記等

元弘一統之初兵部卿護良親王暫任之

元弘三年後醍醐重祚其年七月護良親王賜

征夷將軍宣旨任兵部卿事詳太平記護良者

後醍醐皇子也始为天台座主各尊雲還俗云

其後上野太守成良親王令兼之給

鎌倉執權記附錄及開城書陸書曰元弘三年十二月勅上野太守成良親王為開東鎮赴鎌倉以左馬頭足利直義為執權云云太平記稱將軍宮者成良也後醍醐第四皇子也後為直義被鴆見太平記

建武三年二月被正其号畢

按此時尊氏為征夷將軍自南朝止之也
元賴朝卿補之後依重征夷之任不並任鎮府
按東鑑文治年中陸奧守藤秀衡任鎮守府將軍在賴朝任征夷之前建久已後無任鎮守者

元弘以來被並任畢

護良成良為征夷將軍時顯家為鎮府

建久以來未任副將軍

續日本紀養老四年多治比縣守為持節征夷將軍又按坂上田村如為征夷副將軍後轉大將軍且忠舒經基亦為征夷副將軍是等古例也 明德記謂新田義貞賜征夷將軍宣然不詳所據

於軍監軍曹者時々請任云云

續日本紀縣守為征夷時有軍監三人軍曹一人忠文為征夷時清原滋藤為軍監云云

軍防令曰凡大將出征皆授節刀不得及宿於
家其家在京者每月一遣內舍人存問若有疾
病者給醫藥凱旋之日奏遣使郊勞又曰將帥出
征兵滿一萬人以上將軍一人副將軍二人軍
監二人軍曹四人銀事四人云云 大藏式曰
征夷大將軍絕五十疋綿一百五十疋細布十
端布四十端副將軍絕二十疋云云
源尊氏曆應元年任征夷大將軍至源義昭永
祿年任之其人十六人是皆在職原之後任將
軍者也及織田信長豐臣秀吉并 御當家五
代任之給云云

